

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

5. Lepida historia femin[a]e, ab alijs minùs curatos, magis curantis.

urn:nbn:de:hbz:466:1-45653

rare sibi melotem suam, vt, orto die, statione deserta, migraret. Sed nocte media Gratiam Dei, habitu exquisitissimæ virginis, ei apparuisse, vetuisséque, ne inde latum vnguem discederet; sed secum, eodem loco, perseveraret: nihil enim illi mali euenturum: si desint homines, non deesse Deum. Perseuerauit, & illico mentem tranquillam accepit; non accepturus, si alibi quæsiuisset. Nempe cum illo sentire oportet, qui dixit: *Gratia Dei sum id, quod 1. Cor. 15. sum, & gratia eius in me vacua non fuit, sed abundantius illis omnibus 10. laboravi: non ego autem, sed Gratia Dei mecum: quæ tanto plus operatur, quanto plus momenti habere creditur: credit autem is magis, qui humanis viribus fudit minus.*

Appositè hīc recenseri potest, quod lepidè gestum idoneus author scribit, de Aleyde prudentissima *Vallis-Ducis* Abbatissa. Clarissimus Brabantiae Dux Henricus huius nominis secundus, filia Margaritæ, in Brabantia, nobile cænobium *Vallis-Ducis* dictum exædificarat, ordinique Cistertiensi sacrum esse voluerat. Ei cænobio prima præfuit Aleydis prisci & integri moris, vt & stemmatis, femina, cui neque ingenium defuit, neque virtus, neque linguae gratia, aut lepos loquendi. Hoc cænobium, vt de more visitaret Guilielmus Villariensis, postea Clareuallensis Abbas, friolas Monialium, contra eam, & planè muliebres de nihilo querelas exceptit. Querelarum grandissima erat, quod Antistita fratribus Dominicanæ & Franciscanæ familiæ hospitio acceptis vinum atque pisces apponeret; tunicas quieturis mundulè lotas præberet, pedesque eorum calida iuberet ablui: quæ tamen *omnia non faceret Monachis sui ordinis, cum venirent, quibus utique pareret, liberaliorem curam impendere.* Audijt hanc sui accusatiōnem prudens & ingeniosa mulier, atque modestè subridens licentiam petijt respondendi. Qua obtenta: Vera, inquit, sunt, de quibus accusor, negare non possum; possum tamen excusare, si causam rationēmque volunt audire sorores meæ. Prædicatoribus & Minoribus fratribus, vinum & pisces, cum possum, largior: siquidem illi pecunia destituti talia sibi emere nequit: *vestris autem Monachis id ipsum non facio, quia egredientibus, ut confido, & scio, datur pecunia, unde possunt emere & habere.* Fratribus, qui pedibus conficiunt iter, cœnoque lutati ac lassitudine pleni, apud me diuertunt, tunicas, vestesque linteas non obsoletas suppedito, vt nocte commodiùs quiescant: *Monachi autem nostri equites vadunt.*

K

& in

V.
Thom. Can-
tipratanus I.
Apum. 2. c.
10. §. 8.

& in manticis suis tunicas & uestes portant, quas cum voluerint, portunt immutare. Fratribus illis aqua pedes curo recreari, quia eos sudoribus & luto sordidos afferunt: Monachis autem uestris idem non facio, quia equis altioribus insidentes ab immundis talibus possunt conseruari. Hoc responsum vbi Abbas, vbi Monachi, vbi Moniales audiuerunt, risu leporem, silentio & admiratione tacita sapientiam Antistitiae approbarunt.

VI.

Ad eundem modum diuina Prouidentia iudicat iuuando, qui aliunde destituuntur; aliunde autem sibi nimis attente anxie que prouidentes censet ope destituendos. Nudus erat Adam, nec dum sartor fuit in terris, qui eum Meliteni ueste tegeret: & ecce

Gen. 3. 21.

nō dignatus est Orbis Conditor officium subire pellionis: nam fecit Dominus Deus Adam & uxori eius tunicas pelleas, & induit eos. Qui etiam hodie multos induit, quos milites exuunt spolianteque. Cur enim nudos esse fineret homines, qui aues plumis, pisces squamis, quadrupedes corijs pilisque tegit? Ingressus erat in Arcam, cum animantibus, Noë, sicut praecepérat ei Deus: & inclusit eum Dominus deforis.

Gen. 7. 16.

Ecce quia nemo fuit, qui ostium foris obseraret aut obli-

Gen. 16. 7.

maret, Deus ipse Nōeticæ familiae voluit esse ianitor. Agar ancilla, afflidente eam Sarai, fugam imit. Fugit homines afflentes, inuenit

Gen. 21. 14.

Angelos consolantes. Et rursum, alia vice, cum filio electa errabat in solitudine Bersabee. Cumq; consumpta esset aqua in vtre, abiecta puerum subter unam arborum, qua ibi erant. Et (relicto eo) abiit sedis in

Gen. 22. 10.

regione procul, quantum potest arcus iacere. Dixit enim: Non video morientem puerum: & sedens contra, leuauit vocem suam, & fleuit.

Sic ab ipsa matre sua destituti exanduit Deus vocem pueri: vocavit Angelus Dei Agar de cœlo, dicens: Quid agis Agar? noli timere: ex-

audiuit enim Deus vocem pueri de loco, in quo est. Sic filio mater, matri puteus & aqua à Deo est data. Alter quoque filius Abraham Isaac, non iam à matre destitutus, sed à patre lignis & aræ impositus, atque in victimam ligatus, cum eō deuenisset, ut iustum expe-

ctaret & ferrum ceruice reciperet (iam enim Abraham extendit manum, & arripuit gladium, vi immolare filium suum) ab omni alio auxilio desertus, de cœlo subsidium accepit. Siquidem Angelus

Domini de cœlo clamauit, dicens: Abraham, Abraham: Qui respondit: Adsum. Dixitq; ei: Non extendas manum tuam super puerum, neq;

facias illi quidquam. Ad hoc auxilium Deus iam tum respexit, cum Isaac